

PENGHURAIAN KERJA PERKHIDMATAN PENOLONG PENGUASA PENJARA

1. SKIM PERKHIDMATAN

Penolong Penguasa Penjara Gred KA29, KA32, KA38, KA40.

2. PERINGKAT ORGANISASI

Jabatan Penjara Malaysia.

3. RINGKASAN TUGAS

Bertanggungjawab membantu melaksanakan tugas-tugas pengurusan am, pentadbiran, kewangan, penyelidikan, perancangan, pembangunan, latihan dan keselamatan institusi-institusi penjara.

4. SKOP FUNGSI DAN TUGAS

4.1 Penolong Penguasa Penjara Gred KA29

4.1.1 Aspek Penahanan dan Pelaksanaan Hukuman

- a. Bertanggungjawab dalam mengawal selia dan mengemaskini pengurusan penghuni bermula dari proses penerimaan sehingga penghuni dibebaskan berdasarkan kepada perintah pihak berkuasa.
- b. Menyediakan rayuan dan Penyata Empat Tahun kepada penghuni yang layak untuk dipertimbangkan mengikut peruntukan Undang-undang Penjara 1995 dan Peraturan Penjara 2000.
- c. Memastikan segala harta benda penghuni yang ditahan dicatatkan dengan tepat dan disimpan dalam keadaan baik, teratur dan selamat sehingga penghuni dibebaskan.

4.1.2 Aspek Keselamatan

- a. Bertanggungjawab kepada blok atau bengkel atau tempat tugas yang ditetapkan seperti dalam Jadual Atur Kerja di sesebuah penjara.

- b. Bertanggungjawab dalam melaksanakan tugas-tugas penyeliaan kepada semua pegawai bawahan bagi mencapai objektif institusi.
- c. Mengetuai pelaksanaan tugas-tugas penyeliaan terhadap kawalan keselamatan penghuni, keselamatan fizikal di blok-blok penempatan penghuni dan institusi penjara secara keseluruhan.
- d. Bertindak sebagai pegawai yang bertanggungjawab dalam mengendalikan Sistem Keselamatan Elektronik Bersepadu di mana berkenaan.
- e. Bertanggungjawab kepada sebarang kejadian yang berlaku sama ada di blok, bengkel, mana-mana tempat dalam penjara dan semasa mengiring banduan di luar penjara.
- f. Melaksanakan tugas sebagai Pegawai Risikan di peringkat institusi.

4.1.3 Aspek Pemulihan dan Rawatan

- a. Bertanggungjawab sebagai Pegawai Kaunseling dalam program pemulihan penghuni dan membimbing mereka dalam penyelesaian masalah.
- b. Melaksanakan dan menyampaikan ceramah mesej dari penjara kepada orang awam dan sekolah-sekolah.
- c. Bertanggungjawab membanteras penyalahgunaan dadah dalam kawasan penjara ke atas kakitangan dan penghuni dengan melaksanakan ujian air kencing ke atas mereka.
- d. Membantu dalam pelaksanaan sistem parol (*post release program*) serta bekerjasama dengan jabatan-jabatan kerajaan yang lain dalam usaha pembentukan komuniti yang prihatin dengan bekas banduan.

4.1.4 Aspek Pengurusan Kepenjaraan

- a. Bertanggungjawab dalam melaksanakan latihan kemahiran dan latihan harian di institusi untuk meningkatkan kemahiran dan pengetahuan kepada anggota dijalankan mengikut jadual.

- b. Mengawal selia aktiviti-aktiviti pembangunan di institusi dan memastikan ianya menepati spesifikasi dan tempoh masa yang ditetapkan.
- c. Bertanggungjawab dalam pengurusan lawatan keluarga banduan.

4.2 Penolong Penguasa Penjara Gred KA32

4.2.1 Aspek Penahanan dan Pelaksanaan Hukuman

- a. Bertindak sebagai Pegawai Unit Dokumentasi Pengurusan Penghuni dalam memastikan penahanan dan pelaksanaan hukuman penghuni berlandaskan peruntukan Undang-undang Penjara 1995 dan Peraturan-peraturan Penjara 2000.
- b. Mengawal selia rayuan penghuni yang layak dipertimbang dilaksanakan mengikut tempoh yang telah ditentukan.
- c. Memastikan penghuni yang telah tamat menjalani hukuman dibebaskan mengikut tarikh yang ditetapkan.

4.2.2 Aspek Keselamatan

- a. Bertindak sebagai *Duty Officer* seperti dalam Perintah Tetap Ketua Pengarah Penjara Bil. E 112 (Penjara Medium).
- b. Mengetuai atau membantu Ketua Unit Kawalan dan Pencegahan (UKP) dalam menyelia dan melaksanakan operasi membanteras penyeludupan artikel larangan dalam kawasan penjara berdasarkan Akta Penjara 1995, Peraturan-peraturan Penjara 2000, Perintah-perintah Tetap Ketua Pengarah Penjara dan pekeliling yang dikeluarkan.
- c. Memberi arahan berkaitan operasi harian mengikut giliran bertugas kepada pegawai di bawah jagaannya.
- d. Bertindak sebagai Ketua Pengiring dalam melaksanakan tugas-tugas pengiringan banduan yang dijatuhkan hukuman seumur hayat, seumur hidup, tahanan limpah sultan, tahanan Mahkamah Persekutuan.
- e. Bertanggungjawab kepada Penolong Penguasa Penjara Gred KX38 yang bertugas mengikut giliran di atas sebarang kejadian yang berlaku sama ada di blok, bengkel, mana-mana tempat dalam penjara dan luar penjara.

- f. Bertanggungjawab dalam menerima catuan mentah dari pihak pembekal dan memastikan ianya menepati spesifikasi yang ditetapkan dalam kontrak dan dalam kuantiti yang mencukupi.

4.2.3 Aspek Pemulihan dan Rawatan

- a. Membantu ketua unit melaksanakan program pemulihan ke atas penghuni yang mengikuti Pelan Pembangunan Insan.
- b. Menyelaras mekanisme kawalan komuniti yang boleh menyedarkan masyarakat tentang kepentingan pencegahan jenayah secara berperingkat.
- c. Bertanggungjawab dalam memastikan ujian air kencing yang dilaksanakan memenuhi kuota yang ditetapkan bagi mengelakkan berlakunya penyalahgunaan dadah di kalangan kakitangan dan penghuni.
- d. Menguruskan keperluan dan kelengkapan peralatan bengkel perusahaan dan vokasional agar bersesuaian dengan teknologi semasa.
- e. Membantu ketua unit dalam penyediaan Anggaran Belanjawan Mengurus.

4.2.4 Aspek Pengurusan Kepenjaraan

- a. Membantu dalam merancang aktiviti-aktiviti latihan kakitangan secara berterusan.
- b. Mengawal selia pelaksanaan latihan kemahiran dan latihan harian kepada anggota.
- c. Membantu ketua unit dalam merancang aktiviti-aktiviti pembangunan di institusi selaras dengan keperluan semasa dan tidak menjejaskan aspek keselamatan penjara.
- d. Memeriksa dan menyelia sistem keselamatan elektronik dalam kawasan penjara sentiasa berfungsi dengan baik.
- e. Mengawal selia tindakan yang diambil berkaitan aduan pelanggan agar imej jabatan tidak terjejas.

4.3 Penolong Penguasa Penjara Gred KA38

4.3.1 Aspek Penahanan dan Pelaksanaan Hukuman

- a. Bertindak sebagai Ketua Unit Dokumentasi Penghuni dan memastikan banduan sabitan menjalani tempoh hukuman yang ditetapkan oleh pihak berkuasa dan dibebaskan pada tarikh yang ditentukan.
- b. Bertanggungjawab dalam memastikan banduan reman dan banduan sabitan menghadiri perbicaraan di mahkamah pada tarikh yang telah dijadualkan.
- c. Menguruskan aduan banduan berkaitan kebajikan dan layanan selaras dengan peruntukan Undang-undang Penjara 1995 dan Peraturan-peraturan Penjara 2000.
- d. Menyedia dan mengumpulkan statistik berkaitan kemasukan dan pembebasan penghuni dan secara berkala untuk dikemukakan ke Ibu Pejabat Penjara Malaysia, Ibu Pejabat Polis Diraja Malaysia, Jabatan Imigresen dan agensi-agensi lain yang berurusan dengan Jabatan Penjara Malaysia.

4.3.2 Aspek Keselamatan

- a. Bertindak sebagai *Duty Officer* seperti dalam Perintah Tetap Ketua Pengarah Penjara Bil. E 112 (Penjara maksimum).
- b. Membuat keputusan di peringkat operasi harian ketika bertugas giliran berkaitan keselamatan banduan di penjara.
- c. Bertanggungjawab menjalankan tugas rondaan dan pemeriksaan di kawasan penjara atau mana-mana kawasan atau tempat di mana banduan berada.
- d. Melaksanakan tugas sebagai Ketua Unit Kawalan dan Pencegahan (UKP) dalam melaksanakan operasi membanteras penyeludupan artikel larangan dalam kawasan penjara berdasarkan Akta Penjara 1995, Peraturan-peraturan Penjara 2000, Perintah-perintah Tetap Ketua Pengarah Penjara dan pekeliling-pekeliling yang dikeluarkan dari semasa ke semasa.
- e. Bertindak sebagai Ketua Pengiring dalam melaksanakan tugas-tugas pengiringan banduan berisiko tinggi untuk tujuan perpindahan ke institusi lain.
- f. Bertanggungjawab melantik Pegawai Penyiasat Institusi untuk melaksanakan tugas-tugas siasatan ke atas penghuni yang melanggar tata tertib penjara berdasarkan Akta Penjara 1995 dan Peraturan-peraturan Penjara 2000.

4.3.3 Aspek Pemulihan dan Rawatan

- a. Bertindak sebagai ketua unit dalam aktiviti-aktiviti pemulihan dan rawatan banduan.
- b. Memantau dan memastikan penghuni yang menjalani hukuman atau yang ditahan di institusi mengikuti modul-modul pemulihan yang ditetapkan.
- c. Mengawal selia bengkel-bengkel perusahaan dan vokasional agar mematuhi prosedur-prosedur keselamatan yang telah digariskan.
- d. Memastikan bayaran gaji dan suguhati kepada banduan yang bekerja di bengkel-bengkel perusahaan dan vokasional dibuat tuntutan.
- e. Bertanggungjawab merancang dan mengatur jadual pameran berkaitan aktiviti-aktiviti penghuni di pelbagai lokasi.
- f. Bertanggungjawab merancang pemasaran produk institusi dan menyusun strategi untuk mempromosikan produk yang dihasilkan.
- g. Mengawal selia kualiti dan kuantiti produk yang dihasilkan oleh bengkel-bengkel perusahaan dan vokasional institusi.
- h. Bertanggungjawab memilih penghuni yang layak dipertimbang untuk program khidmat masyarakat dan mengawal selia pelaksanaannya agar mematuhi prosedur dan standard yang ditetapkan.

4.3.4 Aspek Pengurusan Kepenjaran

- a. Bertanggungjawab merancang jadual latihan atau kursus dalaman kepada kakitangan.
- b. Bertanggungjawab memberikan taklimat kepada kakitangan yang ditugaskan mengiring ke mahkamah, hospital luar dan tempat-tempat lain yang diarahkan agar sentiasa mematuhi prosedur, Perintah-perintah Tetap Ketua Pengarah Penjara, Pekeliling dan arahan-arahan yang dikeluarkan bagi mengelakkan berlakunya kejadian luar biasa.
- c. Memantau jadual tugas harian kakitangan.

- d. Mengawal selia kenderaan-kenderaan jabatan dan memastikan penyelenggaraan dilaksanakan mengikut jadual.
- e. Bertanggungjawab menyediakan Anggaran Belanjawan Mengurus mengikut aktiviti dan Anggaran Pembangunan dan langkah-langkah pembaikan peringkat institusi.

5. HUBUNGAN KERJA

Luaran

- a. Orang awam.
- b. Jabatan/ agensi kerajaan.
- c. Syarikat swasta.
- d. Pertubuhan Bukan Kerajaan (NGO).
- e. Bekas banduan.

Dalaman

- a. Rakan sekerja di institusi penjara.
- b. Pegawai dan kakitangan di dalam organisasi yang sama.
- c. Penghuni penjara.

6. PERSEKITARAN KERJA

- a. Dalam dan di luar institusi.

7. LATIHAN YANG DIPERLUKAN

Penolong Penguasa Penjara boleh dikehendaki mengikuti latihan yang ditetapkan oleh Ketua Perkhidmatan yang berkenaan.

8. ANCAMAN

- a. Rasuah.
- b. Terdedah kepada bahaya semasa menjalankan tugas seperti ancaman banduan, penyakit berjangkit (HIV/AIDS, tibi), ugutan, tebusan dan serangan.

Sumber : Lampiran D, D1, D2 Pekeliling Perkhidmatan Bilangan 26 Tahun 2007.